

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba komunalne djelatnosti, vode,
zaštitu okoliša i inspeksijske poslove
Broj: 04/1-23-5-8/18
Bihać, 27.04.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Bihaća u svojstvu predlagača propisa i drugih akata

O D R E Đ U J E

Izvjestioca dr.sci. Čizmić Zlatana, šefa Odsjeka za komunalne djelatnosti, vode i zaštitu okoliša na sjednici Gradskog vijeća i radnim tijelima po prijedlogu tačke dnevnog reda:

- Prijedlog Odluke o izmjenama i dopuni Plana lokacija za korištenje javnih površina na području grada Bihaća

Gradonačelnik
Šuhret Fazlić

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Služba za komunalne djelatnosti, vode,
zaštitu okoliša i inspeksijske poslove
Broj: 04/1-23-5-8/18
Bihać, 27.04.2018.godine

GRADSKO VIJEĆE BIHAĆ

- o v d j e -

PREDMET: Prijedlog Odluke o izmjenama i dopuni Plana lokacija za korištenje javnih površina na području grada Bihaća, dostavlja se

Na osnovu člana 52. tačka a) Statuta Grada Bihaća ("Službeni glasnik Grada Bihaća" broj:13/15), dostavljam vam na razmatranje Prijedlog Odluke o izmjenama i dopuni Plana lokacija za korištenje javnih površina na području grada Bihaća, radi donošenja.

Pravni osnov za donošenje:

Pravni osnov za donošenje Prijedloga Odluke o izmjenama i dopuni Plana lokacija za korištenje javnih površina na području grada Bihaća sadržan je:

- u članu 21. alineja đ) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", br. 8/11), koji propisuje da Općinsko vijeće u okviru svojih nadležnosti, između ostalog, donosi Plan o korištenju javnih površina na području općine.

- u članu 35. tačka c) i n) Statuta Grada Bihaća ("Službeni glasnik Grada Bihaća" broj: 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje, te donosi plan korištenja javnih površina.

Razlozi donošenja:

Donošenju Odluke o izmjenama i dopuni Plana lokacija za korištenje javnih površina na području grada Bihaća, pristupilo se radi sljedećih razloga:

- Planom lokacija za privremeno korištenje javnih površina na području grada Bihaća ("Sl. glasnik Grada Bihaća", broj 4/15, 6/15, 14/15 i 6/16) utvrđene su lokacije, namjena i vrste djelatnosti koja se mogu obavljati na postojećim, odnosno planiranim lokacijama.

-U Grafičkom dijelu navedenog Plana, kao jedna od lokacija za postavljanje montažnog objekta-tipa kiosk utvrđena je i lokacija 0 u ulici Bedem, na kojoj je postavljen privremeni objekat dimenzija 3,60 x 2,40 (m). Kako je privremeni korisnik kojem je

rješenjem odobreno korištenje javne površine za postavljanje privremenog objekta, kod Službe za urbanističko planiranje i građenje pokrenuo postupak izmjene urbanističko-tehničkih uslova, prema dostavljenom mišljenju Službe za urbanističko planiranje i građenje, br. 03/1-23-1-763/18 od 12.03.2018. godine prethodno je potrebno izvršiti izmjene Plana lokacija, na način da se postojeća situacija terena izmijeni, na način da se privremeni objekat rotira za 90° u odnosu na položaj određen važećim Planom lokacija, što je prihvaćeno i sadržano u predloženom tekstu,

-Nadalje, kao jedna od lokacija za postavljanje montažnog objekta-tipa kiosk, utvrđena je i lokacija br. 18 u ulici Nurije Pozderca. Služba za komunalne djelatnosti, vode, zaštitu okoliša i inspeksijske poslove u proteklom periodu zaprimila je zahtjeve stanara zgrade kolektivnog stanovanja u ul. Nurije Pozderca br. 2, kao i pravnih subjekata koji imaju sjedište u istoj ulici, a kojima se traži uklanjanje postavljenog montažnog objekta, radi nesmetanog prilaza svim vozilima (dostavna vozila, hitna pomoć, vatrogasci, itd.) do ulaza u zgradu kolektivnog stanovanja i poslovne objekte u ovoj ulici. Razmatrajući navedene zahtjeve, a imajući u vidu da je gradski organ uprave dužan da poduzme sve mjere kako bi na što kvalitetniji način osigurao uslove života i rada građana i privrednih subjekata, isti su prihvaćeni iz kog razloga se i predlaže brisanje označene lokacije.

Kako se radi o užoj jezgri grada, odnosno pješačkoj, gusto naseljenoj zoni u kojoj je već postavljen veliki broj privremenih objekata (kioska, ljetnih bašti, reklamnih panoa, urbanog mobilijara), u postupku predlaganja zamjenske lokacije pribavljeno je mišljenje Službe za urbanističko planiranje i građenje, koja je kao zamjensku lokaciju ocijenila mogućom i predložila lokaciju u ulici Bosanska, neposredno uz objekat "DM", uz uslov da se postavljanje montažnog objekta-tipa kiosk odobri isključivo sa privremenim rokom i unutar utvrđenih građevinskih linija.

Finansijska sredstva:

Za realizaciju ovog prijedloga nisu potrebna finansijska sredstva.

Radi gore navedenog, predlažem Gradskom vijeću, da nakon razmatranja, usvoji Odluku o izmjenama i dopuni Plana lokacija za korištenje javnih površina na području grada Bihaća, kao u predloženom tekstu.

Prilog:

- Prijedlog Odluke o izmjenama i dopuni Plana lokacija za korištenje javnih površina na području grada Bihaća
- Grafički dio Plana lokacija za korištenje javnih površina na području grada Bihaća ("Službeni glasnik Grada Bihaća", br: 4/15-izvod, 6/15, 14/15 i 6/16)
- Akt Službe za za urbanističko planiranje i građenje, br. 03/1-23-1-763/18 od 12.03.2018. godine i broj: 03/2-23-1-sl/18 od 23.04.2018. godine
- Situacija terena x2

Obrađivač:
Elvira Hadžić, dipl.pravnik

Gradonačelnik
Šuhret Fazlić

Na osnovu člana 21. stav (1) alineja đ) Zakona o lokalnoj samoupravi Unsko-sanskog kantona („Službeni glasnik USK“, broj: 8/11) i člana 35. tačka c) i n) Statuta Grada Bihaća („Službeni glasnik Grada Bihaća“ broj: 13/15), Gradsko vijeće Bihać na _____sjednici održanoj dana _____2018. godine, d o n o s i

Odluku o izmjenama i dopuni Plana lokacija za korištenje javnih površina
na području grada Bihaća

Član 1.

U Grafičkom dijelu, kao sastavnom dijelu Plana lokacija za korištenje javnih površina na području grada Bihaća („Službeni glasnik Grada Bihaća“, br. 4/15, 6/15, 14/15 i 6/16), mijenja se, briše i dopunjuje lokacija za:

1) POSTAVLJANJE MONTAŽNOG OBJEKTA TIPRA KIOSK

1) Lokalitet „CENTAR“

Ul. Bedem

Lokacija br. 0

Privremeni objekat

dimenzija 3,60 x 2,40 *mijenja se i glasi:*

„dimenzija 2,40 x 3,60 (m) prema situaciji terena“

Lokalitet „CENTAR“

Ul. Nurije Pozderca

Lokacija broj 18

Privremeni objekat dimenzija 3,00 x 2,40 (m) *se briše.*

Dopunjuje se:

Lokalitet „CENTAR“ ,

Ul. Bosanska

Lokacija br. 18

Privremeni objekat dimenzija 3,00 x 2,40 (m).

Član 2.

Odluka o izmjenama i dopuni Plana lokacija za korištenje javnih površina na području grada Bihaća stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće Bihać

Broj: GV

Bihać, _____2018.godine

Predsjedavajući Gradskog vijeća

Davor Župa